

SEDMIČNI PREGLED AKTIVNOSTI SUDA BiH

Odjel I, II i III
(29.6. – 3.7.2026.)

- Sud je 15.6.2026., u predmetu **Abdulwahad Aatem Sanad i dr. (S1 2 K 052858 26 Ko)**, potvrdio optužnicu koja optužene **Abdulwahada Aatema Sanada, Amina Ahadia, Jovana Savića, Sašu Obradovića, Predraga Šobu, Zvezdana Đurića, Slavka Miljanovića, Željka Erića, Paju Babića, Radenka Mihajlovića, Gorana Miljevića i Bojana Koraća** tereti da su radnjama opisanim u istoj počinili krivično djelo organizovanje grupe ili udruženja za izvršenje krivičnog djela krijumčarenje migranata iz člana 189a. u vezi sa krivičnim djelom krijumčarenje ljudi iz člana 189. Krivičnog zakona Bosne i Hercegovine (KZBiH), a optuženi Jovan Savić i krivično djelo nedozvoljeni promet akciznih proizvoda iz člana 210a. KZBiH.

Optuženi se terete da su u vremenskom periodu od mjeseca septembra 2025. godine pa sve do sredine mjeseca novembra 2025. godine, međusobno povezani na području Bosne i Hercegovine, zajedno sa drugim njima poznatim licima, kao pripadnici grupe za krijumčarenje migranata, u smislu člana 1. stav 20. KZBiH, koju je organizovao **Abdulwahad Hatem Sanad**, koja je djelovala na teritoriji BiH i koja je bila u vezi sa drugom grupom za krijumčarenje migranata na području Republike Srbije, djelujući zajedno i u međusobnom dogovoru, kao i zajedno i u dogovoru sa drugim njima poznatim pripadnicima grupe, učestvovali u krijumčarenju ljudi i omogućavanju boravka krijumčarenim licima u BiH, tako što su vršili prihvata, preuzimanje i prevoz migranata, koji su prokrijumčareni čamcima preko rijeke Drine i Save sa teritorija Republike Srbije na teritorij Bosne i Hercegovine.

- Sud je 23.6.2026. u predmetu **Ognjen Orašanin (S1 2 K 053764 26 K)** u postupku redovne kontrole opravdanosti trajanja mjere pritvora, van ročišta, donio rješenje kojim je utvrđeno da i dalje postoje okolnosti koje opravdavaju primjenu mjere pritvora prema optuženom **Ognjenu Orašaninu**.

Naredna kontrola mjere pritvora je predviđena za **23.8.2026. godine**.

- Odlučujući o prijedlogu Tužilaštva, Sud je 25.6.2026., u predmetu **Dragan Vasić i dr. (S1 2 K 054842 26 Krn)**, donio rješenje kojim je djelimično prihvaćen prijedlog Tužilaštva i osumnjičenom **Draganu Vasiću produžen pritvor za narednih mjesec dana**, odnosno do **25.7.2026. godine** ili do nove odluke Suda, a sve zbog postojanja posebnih pritvorskih razloga propisanih odredbom člana 132. stav 1. tačke a) i b) ZKPBiH.

Istovremeno, istim rješenjem ukinut je pritvor osumnjičenom **Kostadinu Simiću**, te se prema osumnjičenom istovremeno **određuje mjera zabrane sastajanja sa određenim osobama iz člana 126. ZKPBiH.**

Izrečena mjera zabrane može trajati dok za istom postoji potreba ili do drugačije odluke Suda. Kontrola opravdanosti trajanja izrečene mjere vršit će se svaka dva mjeseca.

Osumnjičeni se terete da su počinili krivično djelo neovlašteni promet opojnim drogama iz člana 195. stav (1) KZBiH.

PONEDELJAK, 29. juna 2026. godine

- Vijeće Apelacionog odjeljenja Suda Bosne i Hercegovine je 29.6.2026. otpremilo drugostepenu presudu u predmetu **Miodrag Malić**, kojom su kao neosnovane odbijene žalba Tužilaštva BiH i žalba branioca optuženog, a presuda Suda BiH, broj S1 2 K 049964 25 K od 26.1.2026. godine, potvrđena.

Prvostepenom presudom Suda BiH **optuženi Miodrag Malić je oglašen krivim** da je počinio krivično djelo izazivanje nacionalne, rasne i vjerske mržnje, razdora i netrpeljivosti iz člana 145.a stav 6. KZBiH, za koje djelo mu je Sud primjenom zakonskih odredbi izrekao **kaznu zatvora u trajanju od tri (3) godine.**

Optuženi Miodrag Malić je oglašen krivim da je 2.11.2022. godine u Banja Luci, ispred zgrade Radio televizije Republike Srpske, na protestu organiziranom od strane opozicionih političkih stranaka, na način preciziran u optužnici, veličao lica koja su pravomoćno osuđena presudama za genocid, zločin protiv čovječnosti ili ratni zločin Međunarodnog suda za krivično gonjenje lica odgovornih za teška kršenja međunarodnog humanitarnog prava počinjena na teritoriji bivše SFR Jugoslavije od 1991., te je, pristajući na takvu posljedicu, izazvao uznemirenost i kod H.S., s obzirom na njegova saznanja o stradanju civila bošnjačke nacionalnosti u prethodnom ratu u Bosni i Hercegovini, u kojoj i sada živi, i učešću navedenih osuđenih lica u istim radnjama.

Protiv ove presude žalba nije dozvoljena.

UTORAK, 30. juna 2026. godine

| PREDMET | ROČIŠTE |
|-----------------------------------------------------------|--------------------------------------------------------|
| Odjel I Ferid Buljubašić i dr. S1 1 K 018498 23 Kri | Saslušanje jednog svjedoka po prijedlogu Tužilaštva |

| | |
|------------------------------------------------------------------------|-------------------------------------------------------------|
| Odjel I Milan Mijić S1 1 K 041503 21 Kri | Čitanje izjava preminulih svjedoka |
| Odjel III Denis Gredić S1 3 K 053409 26 Kps | Ročište za određivanje pritvora po prijedlogu Tužilaštva |

SRIJEDA, 1. jula 2026. godine

- Na ročištu za izjašnjenje o krivnji održanom 1.7.2026. u predmetu **Igor Vilotić i dr. (S1 2 K 054437 26 Ko)**, optuženi **Igor Vilotić, Goran Radić, Samir Alagić, Željko Radovanović i Mile Ilić izjasnili su se da nisu krivi** za krivično djelo za koje se terete optužnicom Tužilaštva BiH – organizirani kriminal iz člana 250. stav 2. i 3. Krivičnog zakona Bosne i Hercegovine (KZBiH), u vezi sa krivičnim djelom neovlašteni promet opojnim drogama iz člana 195. stav 1. istog Zakona.

| PREDMET | ROČIŠTE |
|------------------------------------------------------------------------------|-----------------------------------------------------------------------------------|
| Odjel I Mile Rosić i dr. S1 2 K 054437 26 Ko | Ročište za izjašnjenje o krivnji |
| Odjel II Bojan Cvijetić i dr. S1 2 K 046336 23 K | Izvođenje dokaza replike čitanjem i uvidom u zapisnike o ispitivanju osumnjičenih |
| Odjel I Nesib Talić i dr. S1 1 K 053457 26 Kri | Saslušanje tri svjedoka po prijedlogu Tužilaštva |
| Odjel II Ognjen Orašanić S1 2 K 053764 26 K | Saslušanje tri svjedoka po prijedlogu Tužilaštva |
| Odjel II Elmedin Karišik i dr. S1 2 K 053561 26 K | Saslušanje jednog svjedoka po prijedlogu Tužilaštva |

ČETVRTAK, 2. jula 2026. godine

- Sud je 2.7.2026., u predmetu **Sejdin Šarić (S1 2 K 055007 26 K)**, nakon održanog ročišta za razmatranje sporazuma o priznanju krivnje i ročišta za izricanje krivičnopravne sankcije, donio i javno objavio presudu kojom je optuženi **Sejdin Sarić oglašen krivim** što je radnjama opisanim u izreci presude počinio krivično djelo udruživanje radi činjenja krivičnih djela iz člana 249. stav 2. KZBiH, krivično

djelo davanje dara i drugih oblika koristi iz člana 218. stav 1. KZBiH, u vezi sa članom 54. KZBiH, te krivično djelo nedozvoljena trgovina iz člana 267. stav 1. Krivičnog zakona Federacije Bosne i Hercegovine (FBiH), a sve u vezi sa članom 53. KZBiH.

Sud je optuženom izrekao jedinstvenu kaznu zatvora u trajanju od **osam (8) mjeseci**.

Na osnovu člana 74. KZBiH od optuženog se oduzima protivpravno stečena imovinska korist u iznosu od **7.100,00 EUR i 5.470,00 KM**.

Optuženi je oglašen krivim što je, u vremenskom periodu najmanje od početka 2024. godine pa do 16.12.2024. godine, zajedno sa drugim njemu poznatim licima, formirao grupu ljudi u smislu člana 1. stav 20. KZBiH, koji su pri tome povezani zbog izvršenja krivičnih djela davanje dara i drugih oblika koristi iz člana 218. stav 1. KZBiH, primanje dara i drugih oblika koristi iz člana 217. stav 1. KZBiH, nedozvoljena trgovina iz člana 267. stav 1. Krivičnog zakona Federacije Bosne i Hercegovine i nedozvoljena trgovina iz člana 271. stav 1. Krivičnog zakona Republike Srpske, gdje je svako od članova davao svoj udio u izvršenju krivičnih djela, na način da je **Šarić Sejdin** zajedno sa članovima grupe vršio prevoz većih količina različitih vrsta roba, uglavnom iz SR Njemačke, koje su uvozili u Bosnu i Hercegovinu odnosno carinsko područje BiH, pa su po prethodnom dogovoru, ostvarivanjem komunikacija neposredno ali i putem mobilnih telefonskih uređaja, davali novac i druge oblike koristi službenim osobama uposlenim na pozicijama carinika u UIO BiH i policijskim službenicima Granične policije BiH prilikom prevoza i uvoza gore navedene robe sa područja EU u Bosnu i Hercegovinu, a koja roba podliježe kontroli i nadzoru od strane Granične policije BiH i carinskog organa UIO BiH.

- Sud je 2.7.2026., u predmetu **Vahid Hujić (S1 2 K 054537 26 Ko)** nakon održanog ročišta za razmatranje sporazuma o priznanju krivnje i ročišta za izricanje krivičnopravne sankcije, donio i javno objavio presudu kojom je optuženi **Vahid Hujić oglašen krivim** što je radnjama opisanim u izreci presude počinio krivično djelo davanje dara i drugih oblika koristi iz člana 218. stav 1. Krivičnog zakona Bosne i Hercegovine.

Sud je optuženom izrekao uvjetnu osudu kojom se utvrđuje **kazna zatvora u trajanju od 6 (šest) mjeseci** i istovremeno određuje da se ova kazna neće izvršiti ako optuženi **u roku od 1 (jedne) godine** od dana pravosnažnosti ove presude ne počinu novo krivično djelo.

Kao sporednu, Sud je optuženom izrekao novčanu kaznu u iznosu od **500,00 KM**, koju novčanu kaznu je optuženi dužan platiti u roku od 30 (trideset) dana od dana pravosnažnosti presude.

Optuženi je oglasen krivim što je dana 9.1.2026. godine, oko 22:15 sati, na Međunarodnom graničnom prijelazu Brod (MGP Brod), prilikom carinske kontrole od strane ovlaštenog službenog lica UIO BiH, na ulazu u Bosnu i Hercegovinu iz pravca Republike Hrvatske, gdje je prevezio robu procijenjene vrijednosti 4.457,41 KM, koja roba podliježe postupku carinske kontrole i nadzora, prijave, obračuna i naplate uvoznih carinskih dadžbina, prilikom unosa u carinsko područje Bosne i Hercegovine, svjestan svojih radnji i htijući njihovo izvršenje, učinio dar, odnosno ponudio D.K.-u, carinskom službeniku UIOBiH, kao službenom licu u institucijama Bosne i Hercegovine, dar u vidu novca, da isti u okviru svojih dužnosti ne izvrši službenu radnju koju je po zakonu dužan izvršiti.

| PREDMET | ROČIŠTE |
|----------------------------------------------------------------------|----------------------------------------------------------------------------------------------------------------|
| Odjel II Vahid Hujic S1 2 K 054537 26 Ko | Ročište za razmatranje sporazuma o priznanju krivnje |
| Odjel I Rajko Milić i dr. S1 1 K 050690 25 Kri | Saslušanje svjedoka sa mjerama zaštite (pseudonim) po prijedlogu Tužilaštva |
| Odjel I Senad Bužimkić i dr. S1 1 K 022343 23 Kri | Saslušanje svjedoka sa mjerama zaštite po prijedlogu Tužilaštva |
| Odjel II Sejdin Šarić S1 2 K 055007 26 K | Ročište za razmatranje sporazuma o priznanju krivnje |
| Odjel I Dragomir Obradović i dr. S1 1 K 036865 21 Kri | Saslušanje jednog svjedoka po prijedlogu odbrane četvrtoptuženog i saslušanje petoptuženog u svojstvu svjedoka |
| Odjel II Osman Mehmedagić S1 2 K 050715 25 K | Provođenje dokaza replike Tužilaštva |
| Odjel III Gjon Dekaj S1 3 K 054684 26 Kps | Ročište za razmatranje sporazuma o priznanju krivnje |
| Odjel III Haris Spahić S1 3 K 049187 26 K | Iznošenje završne riječi odbrane i Tužilaštva |
| Odjel III Belmin Curić S1 3 K 053289 26 K | Početak glavnog pretresa |

| PREDMET | ROČIŠTE |
|--------------------------------------------------------|-------------------------------------------------------------------------------------------|
| Odjel I Milić Bućan i dr. S1 1 K 044645 23 Kri | Saslušanje dva svjedoka sa mjerama zaštite po prijedlogu Tužilaštva |
| Odjel I Boško Peulić i dr. S1 1 K 020248 16 Kri | Saslušanje jednog zaštićenog svjedoka po prijedlogu Tužilaštva |
| Odjel I Mićo Olović S1 1 K 053416 26 Kri | Saslušanje dva svjedoka po prijedlogu Tužilaštva od kojih jedan svjedok ima mjere zaštite |
| Odjel I Šerif Patković S1 1 K 044275 24 Kri | Ulaganje materijalne dokumentacije odbrane |
| Odjel III Slavko Ćup S1 3 K 044909 26 K | Početak glavnog pretresa |
| Odjel III Qui Xiaoguang S1 3 K 054298 26 Kpp | Ročište za produženje mjere pritvora po prijedlogu Tužilaštva |
| Odjel III Mugdīm Omanović S1 3 K 052199 26 K | Izvođenje dokaza optužbe saslušanjem dva vještaka |
| Odjel III Adis Prašović i dr. S1 3 K 043978 25 K | Provođenje dokaza Tužilaštva |

NAJAVE ZA NAREDNU SEMMICU:

Za ponedjeljak, 6.7.2026. godine:

- **Habibi Noorullah i dr. (S1 2 K 052392 25 K)** – Razmatranje sporazuma o priznanju krivnje zakazano u 12:00 sati, sudnica 9;
- **Đenan Mamela i dr. (S1 2 K 050997 26)** – Razmatranje prijedloga Tužilaštva za ukidanje mjera zabrane i određivanje pritvora prema optuženom.

STATISTIKE

| ODJELJENJE ZA PODRŠKU SVJEDOCIMA | | |
|----------------------------------|---------------|---------------|
| Odjel | Broj predmeta | Broj svjedoka |
| Ratni zločini | 8 | 12 |
| Organizirani kriminal | 0 | 0 |
| Opći kriminal | 0 | 0 |

| | |
|-----------------------------------------------------------------------------------|----|
| Broj održanih ročišta u sudnicama 3-9 | 26 |
| Broj zahtjeva za izdavanje AV materijala (Odjeljenje za informiranje javnosti) | 0 |

**Želite li biti uključeni na popis primatelja najnovijih obavijesti Suda BiH
ili izbrisani s njega, molimo vas da pošaljete e-mail na:
pios@sudBiH.gov.ba**